

ՀԱՅԱՍՏԱՆԻ ԱՆՏԻԿ ՇՐՋԱՆԻ ՊԱՇՏՊԱՆԱԿԱՆ ԿԱՌՈՒՅՑՆԵՐԸ

Ժ. Դ. ԽԱՉԱՏՐՅԱՆ

Քաղաքաշինության կարևորագույն օղակներից մեկը հնում պաշտպանական կառույցներն էին, որոնք արտահայտում էին պետության տնտեսական ու քաղաքական վիճակը և տվյալ ժամանակաշրջանի ճարտարապետության ու ռազմարվեստի նվաճումները։ Հղոր պաշտպանական սիստեմներ ունեցող քաղաքներն ու ամրոցները, լավ կազմակերպված զորքի հետ միասին, երկրի անկախության գրավականն էին։ Ուստի, պաշտպանական կառույցները պետք է համապատասխանեին զարգացող պոլիորկենտիկայի պահանջներին և մշտապես լինեին պատրաստի վիճակում։

Հայաստանում պաշտպանական կառույցները երևան են գալիս գեոևս մ. թ. ա. III հազարամյակում և նշանակալից զարգացման են հասնում արգեն ուրարտական շրջանում։ Այդ առաջընթացին նպաստում են ուրարտական պետության սերտ կապերը հարևան փոքրասիական և ասուրա-բաբելական մշակույթի հետ։ Մ. թ. ա. VII դարում ուրարտական ռազմական կառույցներում որմնահեցերը, որոնք պարիսպների միայն արտաքին կողմից էին ելուստավորվում։ փոխարինվեցին աշտարակներով։ Վերջիններս ելուստավորվում էին պարիսպների թե՛ արտաքին և թե՛ ներքին կողմերից։ Այս նորամուծությունը խիստ բարձրացնում էր պարիսպների պաշտպանականությունը՝ ներառելով նաև տալով հարվածելու նաև թևերից։

Ուրարտական պետության կործանումից հետո կյանքը շարունակվեց կամ վերականգնվեց միայն համեմատաբար քիչ տևած անառիկ քաղաքներում, որոնք ուրարտական պետության գոյության երկրորդ շրջանում կորցրել էին իրենց դիսպլոր դերը (Տուշպա, Էրեբունի, Արգիշտիսի-նիլի)²։ Ենթադրվում է, որ առաջին երկուսը և զել են սատրապական կենտրոններ և ունեցել են ռազմավարական բնույթ³, որտեղ նույնությամբ պահպանվել են ուրարտական պաշտպանական կառույցները։

Մ. թ. ա. III դարում Հայաստանն ընդգրկվելով Առաջավոր Ասիայի հելլենիստական երկրների ազդեցության ոլորտը, բունց տնտեսական ու մշակութային վերելքի ուղին։ Հելլենիստական մյուս երկրների օրինակով Հայաստանում ևս, մ. թ. ա. III դարի կեսերից սկսած, թագավորների կողմից հիմնադրվեցին քաղաքներ, որոնք կոչված էին լինելու ոչ միայն առևտրատնտեսական ու մշակութային կենտրոններ, այլև իրենց ստրատեգիական դիրքի և հզոր պաշտպանական կառույցների շնորհիվ ունենալու էին խոշոր ռազմական նշանակություն։

Հայաստանում հելլենիստական և մ. թ. առաջին դարերի նման կառույցների վերաբերյալ գրավոր աղբյուրների հաղորդած տեղեկությունները շատ քիչ են, ուստի դժվար է պատկերացում կազմել նրանց մասին։ Այս առումով մեծ կարևորություն ունեն պեղումներով բացված պաշտպանական համակարգերը, որոնք ստանում են սկզբնաղբյուրի նշանակություն։

Հին Հայաստանի մայրաքաղաք Արմավիրի պեղումների (սկսվել են 1962 թ.) կարևոր արդյունքներից է պաշտպանական համակարգի հայտնաբերումը։ Այն գտնվում է Արարատյան դաշտի միջին մասում, Արաքսի հյուսիսային ափին։ Միջնաբերդը տեղավորված է 79 մ բարձրություն ունեցող, բավականին դժվարամատչելի մի բլրի վրա, որտեղ եղել է ուրարտական Արգիշտիսիսի քաղաքի կրոնական կենտրոնը։ Ուրարտուի անկումից հետո, վաղ հայկական և հելլենիստական շրջաններում, պարիսպները նույնությամբ վերականգնվել են և օգտագործվել⁴։ Հելլենիստական շրջանում, միջնաբերդի հյուսիս-արևմտյան հատվածում կառուցվել է միայն

1 Կ. Կ. Ղ ա ֆ ա դ ա ր յ ա ն. Արգիշտիսիսի քաղաքի ճարտարապետությունը. Երևան, 1984, էջ 57—61։

2 Б. Б. Пиотровский. Ванское царство. М., 1959, с. 113, 117.

3 Г. А. Тиран. Города Армении эллинистического времени в свете археологических исследований.—Вестник древней истории (ВДИ), 1979, № 2, с. 160—161.

4 Նույն տեղում, էջ 162—165։

առանձին կանգնած մի կլոր աշտարակ, հավանաբար մուտքի և համեմատաբար մատչելի այդ լանջի պաշտպանության համար:

Ուշագրավ են Երվանդաշատի պաշտպանական համակարգի մասին Մովսես Խորենացու հաղորդած տեղեկությունները՝ մայրաքաղաքը Արմավիրից Երվանդ վերջինի կողմից Երվանդաշատ փոխադրելու կապակցությամբ (մ. թ. ա. III դարի վերջին քառորդ): «Ընդ որ նեղեալ Երուսաղայ, — դուռն է Խորենացին, — նա և ամրագունի ևս տեղույ ելեալ ի խնդիր՝ փոխէ զարքունիսն յարևմտոս կոյս ի քարակտուր մի բլուր, զորով պատ առեալ Երասխայ՝ ընդդէմ Ախուրեանն հոսի գետ: Պարսպէ զլուրն, և ի ներքսագոյն քան զպարիսպն ընդ բազում տեղիս կտրեալ զքարինսն մինչև ի յատակս բլրոյն հաւասար գետոյն, մինչև դիմել շուրջ գետոյն ի փորումսն, յրմպելեաց պատրաստութիւն: Զմիջնաբերդն ամրացուցանէր բարձր պարսպօք, և դրունս պղնձիս կանգնէր ի միջոցի պարսպին, և ելանելիս երկաթիս ի ներքուստ ի վեր մինչև ցողունն, և ի նմա որոգայթս իմն ծածուկս ընդ մէջ աստիճանացն, որպէս զի ըմբռնեցի՝ եթէ ոք զաղտ ելանելով դուռն կամիցի զարքայն: Եւ էր, ասեն, երկդիմի. որպէս զի մինն լիցի սպասաւորաց արքունի և ամենայն ելեմտից ճանապարհ տուրջնային, իսկ միս գիշերային և մարդադաւաց»⁵:

Ավելի լավ հասկանալու համար Երվանդաշատի պաշտպանական համակարգը, նախ անդրադառնանք նրա տեղադրութիւնը:

Երվանդաշատի և Երվանդակերտի տեղադրութիւնը զբաղվել են մի շարք գիտնականներ, որոնք տարբեր կարծիքներ են հայտնել: Նրանցից ոմանք շեն եղել տեղում, ուստի՝ ճիշտ չեն տեղադրել, իսկ մյուսները շփոթել են Մենդոց անտառի հետ: Վերջիններս Ախուրյան և Արաքս գետերի միախառնման տեղից արեւելք, Արաքսի հյուսիսային (ձախ) ափին ընկած վայրում, մեծ տարածութիւն վրա նկատել են քաղաքի պարիսպները, շինություններ և «գետել» այն բարձունքը, որի շուրջը պտույտ էր անում Խրասխը, իսկ դիմացից՝ այսինքն արևմուտքից, հոսում էր Ախուրյան գետը: Սակայն Մովսես Խորենացին չի ասում, թե Ախուրյան գետը հոսում է Երվանդաշատի միակտոր ապառաժ բլրի արևմտյան կողմից, այլ Երվանդաշատը կառուցվել է Ախուրյանի դիմաց գտնվող միակտոր ապառաժ բլրի վրա, «որը շուրջ պատում է Երասխը» (միայն): Իրոք, Ախուրյանի Արաքսի միախառնվելու տեղի դիմաց, Արաքսի աջ (հարավային) ափին, գրեթե ուղղահայաց վեր է խոյանում առանձին կանգնած մի ապառաժ մեծ բլուր, «որը շուրջ պատում է Երասխը»: Մոտ 100 մ բարձրությամբ ունեցող այդ բլուրը գետի կողմից անմատչելի է և շատ հարմար պաշտպանության համար: Մինչդեռ Արաքսի ձախ (հյուսիսային) ափը բլուրներից դեպի գետը փովող դաշտ է (գետահովիտ) և հատկապես բլուրների կողմից խիստ անհարմար է պաշտպանության համար: Այս մասում, ինչպես Մովսես Խորենացին է նշել, Երվանդի տնկած Մենդոց անտառն է եղել. «Տեկէ և մայրի մեծ ի հիւսիսոյ կողմանէ գեւորսն, և ուրովի ամբողջուցանէ. արդելով ի ներքս այծեմունս երագունս, և զեղանց և զեղեռուս գագի, և ցիռս և վարազս. որք ի բազմութիւն աճեցեալ լցին զանտառն, որովք ուրախանայր թագաւորս յաւուրս որսոց: Եւ անուանէ զանտառն՝ Մենդոց»⁶:

Եվ ահա վերոհիշյալ կարծիքի հեղինակները տեսնել են այս անտառի պարիսպը, պատնեշը: Հստ երևութիւն, երբ Երվանդաշատը դադարեց թագավորանիստ քաղաք լինելուց, այս անտառն էլ կորցրեց իր նշանակությունը և հետագայում այնտեղ նույնպես հաստատվեցին բնակատեղիներ: Այս տարածքից հավաքված նյութերի մեջ հիլենիստական խեցեղենի բեկորները շատ աննշան են, գերակշռում են միջնադարյան նյութերը: Շատ հնարավոր է, որ Մենդոց անտառ-

⁵ Մովսէսի Խորենացու Պատմութիւն Հայոց. Երևան, 1981, II, 18:

⁶ Բ. Ն. Առաքելյան. Ո՞րտեղ են գտնվել Երվանդաշատ և Երվանդակերտ քաղաքները. — «Պատմա-բանասիրական հանդես», 1965, № 3, էջ 83—93 (գրականությունը տե՛ս նույն աւելում): Г. А. Труацяи. Указ. соч., с. 166—167.

⁷ Ֆ. Ի. Տեր-Մարտիրոսովը 1985—86 թթ. եղել է այդ վայրերում և Մենդոց անտառում, Արաքսի ձախ ափին կատարած հետախուզական աշխատանքների հիման վրա ժխտում է այդ տեսակետը: Նա բարձունքից հարավ-արևմուտք եղած ավերակները համարում է անտառում կառուցված Երվանդունիների պալատական համալիր: Մենք միանում ենք նրա այդ կարծիքին, սակայն մեզ համոզել չի թվում Երվանդակերտ դաստակերտի նրա տեղադրությունը (Ֆ. Ի. Տեր-Մարտիրոսով. Երվանդաշատ (տեղադրություն և տիպաբանություն). — ՉՍՍՀ-ում 1985—1986 թթ. դաշտային հնագիտական աշխատանքների արդյունքներին նվիրված գիտական նըստաշրջան. Զեկուցումների թեզիսներ, Երևան, 1987, էջ 42—44):

⁸ Մովսես Խորենացի, II, 18Ա:

ում Երվանդը կառուցած լինի պալատական մի շենք, որսի ժամանակ հանգստանալու համար, ինչպես հետագայում արեց Տիգրանը՝ Տիգրանակերտի մոտ տեղած անտառում և Խոսրով Կոտակը՝ Դվինի բլրի վրա, իր տեղած Խոսրովակերտ անտառում⁹։ Եվ վերջապես, Մովսես Խորենացին, նկարագրելով գեղեցիկ Երվանդակերտ դաստակերտը, նշում է. «Եւ այսպիսի գեղեցկութեան դիր՝ անթիքի իմն գոցցես ի բարձրաւանդակ թագաւորանիստ զհայեցումսն ունի. և արդարև բերրի և թաղաւորական դաստակերտն¹⁰։ Ախուրյան գետի երկու ափին, լեռների լանջին կառուցված (առավել ևս վերահիշյալ հեղինակների տեղագրած) Երվանդակերտից կարող էր երևալ միայն Ախուրյանի դիմաց գտնվող ապառաժ թագավորանիստ բլրի բարձրավանդակը, ոչ թե Մենզոր անտառը։ Ինչպես տեսնում ենք, Երվանդաշատը ստրատեգիական տեսակետից շատ հարմար գիրք է ունեցել և, ըստ Մովսես Խորենացու, քաղաքը պարսպապատված է եղել ու ջրով ապահովված։ Քաղաքի միջնաբերդը ամրացված է եղել բարձր պարիսպներով, որոնց մեջ Երվանդը պղնձե դռներ է դրել (գուցե կրկնակի)։ Դեպի դարպասը տանող երկաթե սանդուղքները հավանաբար եղել են շարժական, իսկ դարպասի (հնարավոր է՝ պալատական համալիրի) երկու կողքերին թաքնված որոգայթներ են պատրաստվել՝ դավադիրներին բռնելու համար։

Հելլենիստական պաշտպանական կառույցների ուսումնասիրության համար առանձնակի նշանակություն ունեն Արտաշատի պեղումները՝ հաշվի առնելով քաղաքի կարևորությունը (որպես մայրաքաղաքի) և տեղագրությունը, ստրատեգիական գիրքը, բարձր ռելիեֆը, երկարատև գոյությունը (մ. թ. ա. 180-ական—մ. թ. 360-ական թթ.)։

Արտաշատի մասին վկայություններ են պահպանվել Ստրաբոնի, Պլուտարքոսի, Տակիտոսի, Խորենացու և ուրիշ հայ ու օտար պատմիչների մոտ։ Ստրաբոնն ասում է, որ «այս վերջինը գեղեցիկ է շինված և երկրի թագավորանիստ քաղաքն է։ Նա գտնվում է գետածոցում, որը նման է թերակղզու, և երա շուրջը, քաղաքի պարսպների մասին, գետի առջև ձգվում է պարիսպը, իսկ պարսպը փակված է խրամով և պատվառով¹¹։ Տակիտոսը նշում է, որ երբ Կորբուլոնը որոշեց շարժվել դեպի Արտաշատ, նա լեգեոններին շառաչեցրեց կարճ ճանապարհով, որպեսզի ստիպված չլինեն ֆազաբային պարիսպները ձգողադ Արաքս գետի կամրջով անցնել, այլ պահանք անխուսափելիորեն կրկնեն հակառակորդի հարվածի տակ¹²։ Հետագայում, որպեսզի քաղաքը չավերվի, ասում է պատմիչը, քաղաքացիները կամավոր բաց են անում դարպասները։ Սակայն 59 թ. քաղաքից հեռանալուց առաջ Կորբուլոնը հիմնադատակ ավերում է այն։ Տակիտոսը նրա այդ արարքը արդարացնելու համար նշում է, որ ֆաղափ պարիսպների ընդարձակության պատճառով հնարավոր չէր փոքր կայազորով քաղաքը պահել¹³։

Ըստ Մովսես Խորենացու՝ քաղաքը կառուցված է եղել Մեծամոր Արաքսին միախառնվելու տեղում եղած բլրի վրա¹⁴։

Արտաշատը հիմնադրվել է մ. թ. ա. 180-ական թթ. Արտաշես I-ի կողմից, իբրև միավորված Հայաստանի մայրաքաղաք։ Այն գտնվում էր Արաքս և Մեծամոր գետերի միախառնման տեղում ստեղծված թերակղզու, 12 մեծ ու փոքր բլուրների վրա և նրանց արևելյան ու հարավային կողմում փակված հարթավայրում, միջազգային առևտրական ճանապարհների խաչմերուկում։ Այսինքն, տեղի ընտրությունը շատ հաջող էր կատարված թե՛ ստրատեգիական և թե՛ տնտեսական առումով, և միանգամայն համապատասխանում էր բոլոր այն պահանջներին, որոնք անհրաժեշտ էին քաղաքի կառուցման համար¹⁵։

⁹ Այդ մասին տե՛ս Ժ. Դ. Խաչատրյան. Հելլենիստական քաղաքաշինության որոշ ավանդույթների, Երազմույն վայրի և Դվին քաղաքի հիմնադրման մասին.—ՉՍՍՀ ԳԱ «Լրաբեր հաս. գիտ.» 1987, № 2, էջ 53—57։

¹⁰ Մովսես Խորենացի, II, ԽԲ։ Այս վկայությունը կարող է օգնել նաև Երվանդակերտի տեղագրությունը ճշտելուն։

¹¹ Стратон. География в 17 книгах, XI, 14, 6, пер. и коммент. Г. А. Стратановского, Л., 1964.


¹² Корнелий Тацит. Анналы, XIII, 39, пер. А. С. Бобовича.—Сочинения в двух томах, т. 1, Л., 1969.

¹³ Նույն տեղում, 41։

¹⁴ Մովսես Խորենացի, II, ԽԲ։

¹⁵ Архитектура античного мира (ААМ). М., 1940, с. 33; Витрувий. Десять книг об архитектуре, пер. Ф. А. Петровского. Т. 1, М., 1936, 32—33.

Պեղումները հաստատեցին Ստրարոնի, Պլուտարքոսի և մյուս աղբյուրների վկայություները Արտաշատի մեծ (մոտ 600 հա) ու գեղեցիկ քաղաք լինելու և ընդարձակ պարիսպներ ունենալու մասին: 1970 թ. սկսած պեղումների շնորհիվ որոշված է բլուրների դերը քաղաքի կառուցվածքում¹⁶: Միջնաբերդը եղել է ամենաբարձր և ընդարձակ բլրի վրա (բարձր. 70 մ), որն առանձնահատուկ դիրք էր զբաղում քաղաքում և ամենալավ պաշտպանվածն էր:



Նկ. 1


Պեղումներով բացվել և հետազոտվել է քաղաքի ու միջնաբերդի պարիսպների զրեթե կեսը, մոտ 4500 մ երկարությամբ (շափազրությունները կատարել է Արտաշատի արշավախմբի նարտարապետ Ա. Վ. Տոնիկյանը): Արտաշատի պարիսպների երկարությունն ընդամենը կարող էր լինել 10000 մետրից ավելի (նկ. 1): Մեզ հայտնի քաղաքներից ամենաերկար պարիսպները եղել են Սիրակուզայինը՝ 29 կմ, Ալեքսանդրիայի պարիսպները մոտ 16 կմ էին,

¹⁶ Ж. Д. Хачатрян, А. В. Тоникян. Некоторые вопросы градостроительства античного Арташата.—Четвертый международный симпозиум по армянскому искусству. Тезисы докладов. Ереван, 1985, с. 286—288.

¹¹ «Հանդես», ՅՁ 4

էփեսոսինը՝ 12 կմ, Միլետինը՝ 11,2 կմ¹⁷։ Արտաշատում, ինչպես Ալեքսանդրիայում, Սեւեկիայում և հելլենիստական շատ քաղաքներում, մարդիկ բնակվում էին նաև պարիսպներից դուրս, իսկ վտանդի դեպքում պատսպարվում էին քաղաքում։

Արտաշատի բոլոր բլուրները պարսպապատ են և ըստ իրենց կարևորության ունեն մեկ կամ երկու պաշտպանական սիստեմ (2 և մասամբ 6, 7)։ Միջնաբերդի պարիսպը (ներքևից երկրորդը), որը կառուցվել է առաջին հերթին, անցնում է դաշտավայրի համեմատ 50—55 մ բարձրության վրա։ Դա ուրարտական միջնաբերդի պարիսպն է, որը 400 մ բացվել է և տեղ-տեղ պահպանվել մինչև 6—7 մ բարձրությամբ (հյուսիսային լանջ)։ Արտաշատի հիմնադրման շամանակ ալև վերականգնվել ու հարմարեցվել է հելլենիստական ռազմավեստի պահանջներին։ 2,7 մ լայնությամբ ունեցող ուրարտական պարիսպներն արտաքինից ունեն ընդհանուր



Նկ. II

դժից 1 մ առաջ դրված դրեթե հավասար՝ 5,5—6,5 մ լայնությամբ աշտարակ-որմնահեցեր։ Պարսպի հիմնախարսխային մասը անմշակ քարերից է, ամրացված կավե շաղախով, որը վերևից ծածկված է մոտ 50 սմ կավե միջնաշերտով։ Նրա վրա բարձրանում է հում աղյուսի կանոնավոր շարքը ($51 \times 51 \times 14$ և $51 \times 35 \times 14$ սմ)։ Կոնտրֆորտների աղյուսաշար մասի անկյունները եռատամ, 30 սանտիմետրանոց անցումներ ունեն, իսկ կոնտրֆորտները (լայն. 1 մ խոր. 30 սմ) ու նրանց միջև ընկած պատերի հատվածները (լայն. 1,7 մ. խոր. 60 սմ)՝ կենտրոնական սասերում նույնանման անցումներով ձևավորված խորշեր (Նկ. II, 1, 2)։ Այս ամենը, կոնստրուկտիվ նշանակություն ունենալուց բացի, լուսաստվերի հարուստ խաղ էր ստեղծում, որով աշխուժություն էր հաղորդում և շքեղացնում պարսպի միապաղաղ ճակատը (Նկ. IV)։ Ելուստներով և խորշերով մշակված ճակատները բնորոշ էին Միջագետքի ճարտարապետությանը¹⁸, որը, սակայն, իր զարգացմանը հասավ ուրարտական ճարտարապետության մեջ։ Այսպես են ձևավորված Թոփրախկալից և Կարմիր բլուրից գտնված բրոնզե թիթեղի վրա պատկերված եռահարկ շենքի և աշտարակի ճակատը¹⁹, «Մհերի դուռը»՝ Վանում²⁰, Արշրուտը՝ Սալխանե

¹⁷ В. Тарн. Эллинистическая цивилизация. М., 1949, с. 280.

¹⁸ Всеобщая история архитектуры в 12 томах (ВИА). Т. 1, М., 1970, с. 198—211, рис. 8, 15, 16, 18, 20, с. 220, рис. 34, 35.

¹⁹ Б. Б. Пиотровский. Искусство Урарту VIII—VI вв. до н. э. Л., 1962, с. 90, рис. 56; О. Х. Халпахчьян. Странительная культура армянского нагорья с древнейших времен по VII в. до н. э.—Архитектурное наследство. М., 1983, № 31, с. 127, рис. 38.

²⁰ Б. Б. Пиотровский. Ванское царство, рис. 67; ВИА, I, рис. 32.

գյուղում, Բոստանկայան²¹, էրեբունիի ուրարտական պալատի և Susi տաճարի դռները²² և այլն: Պերսեպոլիսի գանձարանի պատերի խորշերի հետ զուգակցված կոնտրֆորսները²³ ուղղակիորեն աղերսվում են Արտաշատի ուրարտական պարիսպների հետ: Այս և մյուս շինությունների դռների աստիճանաձև բացվածքները մեկ անգամ ևս վկայում են, որ Ուրարտուն եղել է Աքեմենյան Պարսկաստանի ճարտարապետության ձևավորման ակունքներից մեկը²⁴: Իսկ Արտաշատի ուրարտական ամրաշինական կառույցների զարգացման բարձր մակարդակը ցույց է տալիս, որ Ուրարտուի անկումից 400 տարի հետո ավելի նպատակահարմար է համարվել օգտագործել ուրարտական պարիսպը, քան կառուցել նորը: Ժիշտ է, Արտաշատում այն օգտագործվել է ավելի ստեղծագործաբար, քան Արմավիրում ու մի շարք այլ քաղաքներում, որտեղ ուրարտական պարիսպները վերականգնվել են նույնությամբ:

Արտաշատում, ուրարտական պարիսպների անկյունային կոնտրֆորսները փոխարինվել են 15 մ տրամագիծ ունեցող կլոր աշտարակներով: Մուտքն իջեցվել է դեպի № 1 բլուրը տանող լանջը և պաշտպանվել 13 մ տրամագիծ ունեցող երկու հզոր աշտարակներով:

Պարիսպների ներքին շարքը, որն ընդհանուր է բլուրների համար, անցնում է 20—25 մ բարձրության վրա: Մեծ վարպետությամբ օգտագործելով տեղանքի ընձեռած «նարավորությունները, պարիսպները կառուցել են բեկված գծերի, այսպես կոչված, «սղոցի ատամների» ձևով (նկ. 1), ինչպես նաև դեպքերում առաջարկում էին կառուցել Փիլոն Բյուղանդապին և մյուս անտիկ մեխանիկները²⁵: Բեկված գծերի ձևով է կառուցված նաև Վանի ամրոցի պարիսպների մի մասը²⁶, սակայն Վանի ուրարտական ամրոցը հետագայում այնքան փոփոխությունների է ենթարկվել, որ դժվար է որոշակի բան ասել պարիսպների այդ հատվածների ժամանակի մասին, թեև բացառված չէ դրանց անտիկ լինելը: Այդ սկզբունքներն են կիրառված նաև Ուրմիո լճի հարավ-արևմտյան մասում գտնվող Կալե Գյավուրի մ. թ. ա. IX—VIII դդ. ուրարտական ամրոցի տեղում մ. թ. ա. VI—V դդ. կառուցված ամրոցում²⁷, նոր ամրոցի կառուցման ժամանակ, հյուսիս-արևմտյան հատվածում, ուրարտական պարիսպը թողնվել է նույնությամբ, իսկ մյուս մասերում՝ Արտաշատի նման, պարիսպները կառուցվել են բեկված գծերի ձևով: Ամրոցի դարպասը, անկյունները և խոցելի տեղերը ուժեղացված են կլոր, մեծ աշտարակներով (նկ. III, 1):

Արտաշատի միջնաբերդի և քաղաքային պարիսպների այսպիսի փոփոխություններն են կատարվել նաև Արաքսի աջ ափին, Զուղայից ոչ հեռու գտնվող երկրորդ Կալե Գյավուրում, որտեղ մ. թ. ա. VIII դարի ուրարտական ամրոցի անկյունային աշտարակները մ. թ. ա. VI—V դդ. փոխարինվել են կլոր աշտարակներով²⁸, դրանք երբեմն առաջ են տարվել կամ կառուցվել են նորերը (նկ. III, 2):

Հիլենիստական պաշտպանական արվեստին բնորոշ կառուցումներն ու փոփոխությունները, ամենայն հավանականությամբ, կատարվել են մ. թ. ա. II—I դդ.: Այդ է վկայում նաև հայտնաբերված գունազարդ խեցեղենը²⁹, որ աղերսվում է Արտաշատի և անտիկ դարաշրջանի մյուս հուշարձանների այդ ժամանակի խեցեղենի հետ:

²¹ О. X. Халпахчьян. Указ. соч., с. 131.

²² К. Л. Оганесян. Арин-берд, I. Архитектура Эребуни. Ереван, 1961, с. 82, 84.

²³ E. F. Schmidt. Persepolis, I. Chicago, 1953, fig. 65—68, 73, 74.

²⁴ К. Л. Оганесян. Кармир-блур, IV. Архитектура Тейшебани. Ереван, 1955, с. 71, 98; Он же. Арин-берд, I, с. 88.


²⁵ ААМ, с. 46—47.

²⁶ В. М. Арутюнян. Каменная летопись армянского народа. Ереван, 1985, табл. III.

²⁷ W. Kleiss. Urärtatische Plätze und Anlagen des 11—1 Jahrtausends v. Chr. in Iran.—Archaeologische Mitteilungen aus Iran (AMI), Band 11, Berlin, 1978, S. 27—59, Abb. 9, 12.

²⁸ W. Kleiss. Zwei Plätze des 6 Jahrhunderts v. Chr. in Iranische Azerbaidjan.—AMI, Band 9, Berlin, 1976, s. 107—111, Abb. 1, 35.

²⁹ St. Kroll. Die Keramik.—AMI. Band 9, Berlin, 1976, S. 120—123, Abb. 2.



նկ. III

Բեկված գծերի ձևով են կառուցված էփեսոսի, Պերգամոնի, Պրիննայի, Միլետի, Մեանդրի վրայի Սագենեսիայի. նոտիումի³⁰, Դուրա-Էվրոպոսի³¹ հելլենիստական շրջանի պարիսպները: Այգորինակ կառուցված պարիսպները մասամբ փոխարինում էին աշտարակներին և ավելորդ էին դարձնում, սովորականի նման, նրանց հանախակի կառուցումը, ու հնարավորություն էին տալիս «արվածել թշնամուն և՛ թևերից, և՛ նույնիսկ թիկունքից: Վեգեցիոսն ասում է (IV, 1—4), որ նման պարիսպների մոտ թշնամին հայտնվում էր աքացանի մեջ:

Պարիսպներն ուժեղացված և նակյուններում և խոցելի տեղերում կառուցված, 9—15 մ տրամագիծ ունեցող «գոր աշտարակներով, որոնք պարիսպների ընդհանուր գծից 2—5 մ առաջ են դրված: Դրանք իրարից այնպիսի հեռավորության վրա են գտնվում, որ մեկը մյուսի տեսադաշտում են ու կարող են հարվածի տակ պահել միջանկյալ ամբողջ տարածությունը: Գարիսպների ներքին շարքով բոլոր բլուրները փակվել են և վերածվել առանձին ամրոցների, իրենց մուտքերով հանդերձ: Այսինքն, ստեղծվել են առանձին պաշտպանական միավորներ, որոնք իրար հետ կապված էին պարսպապատ, լավ մտածված հնարամիտ անցումներով:

Արտաշատի պարիսպները կառուցված են այն հաշվով, որ խոցելի տարածություններ չմնան: Այդ նպատակով հաճախ ժայռերը դարձան դժվար ճարթեղվել և կամ աստիճանաձև էտրովել, որպեսզի պարիսպը եզրով կառուցեն: Նման մեծ շափերի աշխատանքներ են կատարվել, հատկապես № 7 բլրի վրա, որը, ի տարբերություն մյուսների, հարթ տարածություն չէր թողնում: Ուղղանկյուն սրագագաթ է: Պատի հիմնախարսի բարձրությունը պայմանավորված է տեղանքով և կազմում է 0,50—1,50 մ, որի վրա բարձրանում է հում աղյուսե պատը ($45 \times 45 \times 14$): Հիմքերն ամրացնելու և քայքայումից զերծ պահելու համար պարսպի ամբողջ պարագծով, մանր կտրավուն ճարերով պատրաստված է 30—100 սմ լայնությամբ հատուկ կավե շաղախով ամրացված հենապատ, որը զեպի դուրս թեքություն ունի:

Ի տարբերություն վերը թվարկած հելլենիստական քաղաքների. Արտաշատի աշտարակները շրջանաձև են, ներքևում հոծ, իսկ վերևում, ամենայն հավանականությամբ, մի քանի հարկա՝ նրջանաձև և բազմանկյուն աշտարակները, ինչպես Վիտրովիոսն³² է ասում, ավելի կատարյալ են, քան քառանկյուն աշտարակները և ավելի լավ են դիմանում ուժաքարծրի ու պարիսպներ քանդող մեքենաների հարվածներին:

Արտաշատի պարիսպներն աղյուսաշար են: Աղյուսը իր փափկության շնորհիվ թուլացնում էր հարվածի ուժը ու ճեղքվածք չէր տալիս: Մինչդեռ քարը իր կարծրության պատճառով դիմադրություն էր ցույց տալիս, ուստի հարվածը պահպանում էր իր ամբողջ ուժը³³:

Պաշտպանական համակարգում ամենախոցելի հատվածները քաղաքային դարպասներն էին, ուստի միշտ ավելի մեծ ուշադրություն էր դարձվում նրանց պաշտպանության կազմակերպմանը: Ինչպես վերը տեսանք, նրվանդաշատի միջնաբերդի մուտքի կապակցությամբ, այդ ուղղությամբ զանազան խորամանկ անցումներ ու միջոցներ էին մտածվել: Մենք լրիվ պատկերացում չունենք Արտաշատի դարպասների քանակի մասին, քանի որ մեզ դեռևս չի հաջողվել քաղաքի արևելյան և հարավ-արևելյան սահմանները ճշտել: Առայժմ հայտնի են միայն բլուրների պաշտպանական սիստեմում բացված հինգ արտաքին դարպասները հյուսիսային, հյուսիս-արևմտյան և հյուսիս-արևմտյան մասերում: Արտաշատի մուտքերը տարբեր լուծումներ ունեն, սակայն միշտ պաշտպանվել են երկու աշտարակներով և կառուցվել այնպես, որ զեպի դարպասներ տանող ճանապարհներն անցնեն պարիսպների կողքով, որպեսզի բոլոր զեպերում պարիսպների ու աշտարակների կողմից հարվածի տակ լինեն: № 4—5 և 7—8 բլուրների միջև եղած արտաքին մուտքերը ներս են դրված ընդհանուր գծից և թշնամուն կարելի է հարվածել ձակատից, կողքերից, թիկունքից, պարիսպներից ու աշտարակներից (նկ. III, 4):


³⁰ Т. Н. Козина. Некоторые вопросы градостроительства эллинизма.—Вопросы всеобщей истории архитектуры. Сборн. № 1, М., 1961, рпс. 3, 6, 13, 22, 23, 33, с. 31, 32.

³¹ А. von Gerkan. The Fortifications. The Excavations at Dura-Europos. Preliminary Report of 7—8 season of work. New Haven, 1939, p. 4—61; М. I. Rostovtzeff. Dura-Europos and its Art. Oxford, 1938, p. 17; Г. А. Кошелев. Парфянская фортификация.—Советская археология (СА), 1963, № 2, с. 66—68.

³² Витрувий, V, 5.

³³ Аполлодор. Поллоркетика. О каменных стенах, 158, Греческие поллоркетик.—ВДИ, 1940, № 3—4, с. 299.

Հետաքրքիր ու բարդ լուծում ունի ամրոցի Հյուսիս-արևելյան մասում տեղադրված միջնաբերդի զվեավոր մուտքը. որը գտնվում է առաջին և երկրորդ բլուրները միացնող պարանոցի ամենացածր տեղում (նկ. 111, 3): Հյուսիս-արևմտյան արտաքին դարպասից ներս մտնելուց հետո, մինչև միջնաբերդի երկրորդ պարսպի մուտքին հասնելը, թշնամին պետք է հաղթահարեր լավ պաշտպանված մի դարպաս ևս: Դեպի այդ երրորդ դարպասը ճանապարհն անցնում էր երկու պարիսպների կից կառուցված զորանոցների և զինապահեստների միջև եղած փողոցով: Քանի որ № 1 և 2 բլուրները սալյով բարձրանալ հնարավոր չէր, ուստի դարպասները համեմատաբար նեղ են արված՝ 2—2,50 մ, իսկ № 4—5 և 7—8 բլուրների դարպասները, որտեղ այդ հնարավորությունը կար, 3—4 մ են:



Նկ. IV

Պաշտպանության համար խիստ կարևոր նշանակություն ունեին աննկատ տեղերում թողնված գաղտնի անցումներն ու դռները, որտեղից պաշարվածները հանկարծակի արտեղծվել էին կատարում: Մենք այդպիսի մի վկայություն ունենք Տիգրանակերտի մասին³⁴:

Մեզ հայտնի չէ, թե Արտաշատի պարիսպներն ինչ բարձրություն են ունեցել: Կարելի է ենթադրել, որ այն բլուրների վրա 12—15 մ, իսկ դաշտավայրում՝ 15—20 մ պակաս չէր կարող լինել, այսինքն, ինչպես Փիլոն Բյուզանդացին³⁵ է ասում, պետք է լիներ այնքան, որ թշնամին չկարողանար աստիճանները պարսպի եզրին հասցնել, թեև բլուրների հատվածում, լանջերի թեքության պատճառով դա ընդհանրապես հնարավոր չէր: Աշտարակների բարձրությունը պետք է լիներ առնվազն 20—25 մ, որը թույլ կտար դրանք երկու-երեք հարկանի պատուհաններով ևստ Ապիանոսի³⁶, Հայաստանի երկրորդ մայրաքաղաք Տիգրանակերտի պարիսպների բարձրությունը եղել է 25—28 մ:

Դժվար է ասել, թե ինչպես են բարձրացել Արտաշատի պարիսպների վրա. շատ հավանական է, որ շարժական աստիճանների օգնությամբ: Այդ նպատակով № 1, 7 և 8 բլուրներում, որտեղ բնակելի համալիրներն ուղղակի կցված են պարսպին, թողնված են դեպի պարիսպը տանող նեղ անցումներ: № 1 բլրի վրա այդպիսի շորս անցում կա (լայն. 1,2—1,5 մ), իրարից 26—28 մ հեռավորությամբ, իսկ № 5 և 7 բլուրները տանող մասերում պարիսպների երկայնքով նեղ փողոցներ են թողնված (լայն. 1,3—1,6 մ), որոնք միացած են քաղաքի փողոցների ցանցին:

Արտաշատի պարիսպների լայնությունը 2,60—3,50 մ է, որը լրիվ բավարարում է պարսպապատի վրայով զինվորների ազատ տեղաշարժերին: Ճիշտ է, պաշտպանությունում դեռևս

³⁴ Тацит, XV, 4.

³⁵ Филон Византийский. О фортификации. 3, 1—7, ААМ, с. 45.

³⁶ App. Mithr. Eur., 84.

պարիսպները կարևոր դեր էին խաղում, սակայն գլխավոր դերը պատկանում էր խոցելի տեղերում կառուցված, բավականին առաջ դրված շրջանաձև աշտարակներին, որոնց լայնությունը բավարարում էր նետարձակ և քարանետ մեքենաներ տեղադրելու համար: Ըստ որում, քարանետ մեքենաներ կարելի էր տեղադրել նաև պարսպից ներս, հարթ կամ հարթեցված բարձր ժայռերի վրա: Պարիսպների արտաքին ու ներքին մասերից, հատկապես կից սենյակներից և հողի մակերեսից հայտնաբերվել են տարբեր չափերի 200-ից ավելի ուժեղացված, որոնց մեծ մասը հատուկ է պատրաստված: Դրանք բաժանվում են հինգ խմբի ու կշռում են 150 գրամից մինչև 6 կգ և ունեն 8—16 սմ տրամագիծ³⁷: Ռմբաքարերի այս բազմազանությունը վկայում է տարբեր տրամաչափերի քարանետ մեքենաների առկայություն մասին: Օրինակ, վանիում հայտնաբերված 12 սմ տրամագիծով 2,3 կգ քաշով ուժեղացված համար (VI խումբ)³⁸, հին բանաձևերով կատարած հաշվումների համաձայն, հարկավոր էր 8,78 դակտի³⁹ (16 սմ) տրամաչափի քարանետ մեքենա, որի տեղադրության համար հարկավոր էր 2,16×3,36 քառ. մետր տեղամաս⁴⁰:

Պաշտպանության ժամանակ հեծելազորի և հետևակի ուժերի տակ նետելու համար օգտագործել են նաև երկաթյա եռաթև ու քառաթև փշեր, որոնց մի ծայրը բոլոր դեպքերում ցցվում էր վեր: Կարասներում և մեծ անոթներում հաճախակի հայտնաբերվող նավթը (կուպր) վկայում է նրա կիրառումը ոչ միայն կենցաղում՝ ճրագների համար, բժշկության մեջ, այլև պաշտպանական նպատակով, որի մասին գրում են Պլինիոս Ավագն ու Դիոն Կասիոսը: Պլինիոսն ասում է, որ երբ մ. թ. ա. 74 թ. Լուկուլոսը շրջապատել էր Սամոսատը (Շամուշատ), քաղաքացիները հոռիմեքենաների վանում էին վառվող «մայտայի» (ձյութի, հավանաբար նավթի) օգնությամբ⁴¹: Դիոն Կասիոսի վկայությունը վերաբերում է Լուկուլոսի էդոմից 69 թ. Տիգրանակերտի պաշարմանը. «Բայց բարբարոսները նետածուլությամբ և (պաշարողական) մեքենաների վրա թափած նավթով մեծապես վնասեցին նրան: Այս դեղանյութը կուպրաշատ էր և բոցավառվող, այնպես որ հրկիզում էր այն ամենը, ինչի կպշում էր ու ոչ մի հեղուկով հեշտ չէր ան՝ անգցնել⁴²: Նավթն օգտագործվել է նաև, երբ Լուկուլոսը պաշարեց Մծրինը⁴³ (մ. թ. ա. 68 թ.): Այս տեղեկությունները նավթը պաշտպանության մեջ օգտագործելու վերաբերյալ ամենահին վկայություններից են: Նավթի մասսայական կիրառությունը կենցաղում և պաշտպանության մեջ ցույց է տալիս, որ այն իր շուտ բռնկվելու և դժվար հանգչելու հատկանիշների շնորհիվ արևելքում վաղուց է օգտագործվել պաշտպանական նպատակներով: Ըստ Ստրաբոնի⁴⁴, Հյուսիսային Միջագետքում, որը մտնում էր Տիգրանի թագավորության կազմի մեջ, նավթ կար:

Պաշտպանության սխեմանում խիստ կարևոր էր հրամանատարական բարձունքի ճիշտ ընտրությունը, որտեղից պետք է իրականացվեր ընդհանուր ղեկավարությունը: Արտաշատի հրամանատարական բարձունքը եղել է միջնաբերդի (№ 2 բլուր) արևմտյան հատվածում ըստվող ամենաբարձր կետում՝ կրաշաղախե պատերով ուղղանկյուն (300×250 մ) հարթակի վրա, որտեղ դիտակետի համար, հավանաբար, եղել է պալատական համալիրի մեջ մտնող աշտարակ: Այստեղից հնարավոր էր հետևել քաղաքի հյուսիսային, արևելյան և արևմտյան հատվածներում թշնամու տեղաշարժերին, իսկ հարավային՝ դեպի գետը եղած, ինչպես նաև հարավ-արևելյան ու հարավ-արևմտյան հատվածները դիտելու խանգարում էին № 6 և 7 բլուրները: Սակայն այս բլուրները նույնպես լավ ամրացված էին և միջնաբերդի հետ միասին կազմում էին պաշտպանական սխեմայի առանցքը: Պաշտպանության մեջ կարևոր տեղ էր հատկացված նաև առանձին կանգնած № 11 և 12 բլուրներին: Քաղաքի միջնաբերդը, հավանաբար նաև դեպի միջնաբերդը տանող հատվածը, № 1 բլուրը և կարևոր հանգուցային կետերը

37 А. М. Акопян. Каменные ядра из Арташата.—Проблемы античной культуры. М., 1986, с. 232—237, рис. 1—2.

38 Г. А. Лордкипанидзе. К истории древней Колхиды. Тбилиси, 1976, с. 34.

39 Դակտիլ (մատ)=18,5 մմ:

40 В. П. Толстиков. О системе обороны акрополя Пантикапея.—Сообщения Гос. музея изобразительных искусств им. А. С. Пушкина, вып. VII, М., 1984, с. 46.

41 P11п. NH, 11, 108.

42 Դիոն Կասիոս (Թարգմ. Ս. Մ. Կրկյաշարյանի). Երևան, 1976, XXXVI, 1, 2:

43 Նույն տեղում, XXXVI, VI₁, VII₃: Հ. Մանանդյան. Քննական տեսություն հայ ժողովրդի պատմության. Երկեր, 1, Երևան, 1977, էջ 221:

44 Страбон, XVI, 1, 24.

պաշտպանվում էին զինվորների կողմից: Նշված պաշտպանական կառույցների կից Վայոսարձիվ են զինվորների համար զորանոցներ և ռազմամթերքի պահեստներ: Նման պահեստներ և կայազորի համար սենյակներ եղել են նաև Տիգրանակերտում⁴⁵, Գառնիում, Պանտիկապեոնում և այլ վայրերում, որոնք, ըստ Փլինի, այդ շրջանի պաշտպանական կառույցների կոնստրուկտիվ տարրերից են⁴⁶, քաղաքի մնացած պարիսպները պաշտպանվել են աշխարհազորայինների կողմից:

Այսպիսով, Արտաշատն ունեցել է պաշտպանական ընդարձակ, միասնական հիմունք մի սխեմայի՝ առանցքային երեք (ՔՄՏ 2, 6, 7 բլուրներ) անմատչելի ամրոցներով, որն ի վիճակի էր դիմագրավելու Բշեամու մեծ ուժերին և դիմանալու երկարատև պաշարման: Նման պաշտպանական սխեման բնութագրվում էր մաներելու հնարավորությունից, նրկու և ավելի միջնաբերդ ունեցող պաշտպանական սխեմաները Հայկական լեռնաշխարհում հանդիպում են դեռևս բրոնզեդարյան և ուրարտական ամրոցներում ու քաղաքներում⁴⁷:

Պաշտպանական այս սկզբունքն ունի հինարևելյան արմատներ, որը ժառանգեցին նաև հելլենիստական քաղաքները և ավելի կատարելագործեցին այն: Ստրաբոնը⁴⁸, որ կորդուքսնրին համարում է ամրություններ և ռազմական մեքենաներ սարքելու վարպետներ (նրանց օգտագործել է նաև Տիգրան II-ը), ասում է, թե նրանց քաղաքներն են Սարիսան, Սատալկան և Պինական, որը երեք միջնաբերդով միանգամայն ուժեղ ամրոց էր: Անտիոքը⁴⁹ բաղկացած էր շուրջ ամրոցից, որոնք իրենց հերթին վերցրված էին ընդհանուր պարսպի մեջ:

Հին Հայաստանի մյուս նշանավոր քաղաքը Տիգրանակերտն էր, որը հիմնադրվել է մ. թ. ա. 77 թ. 50 Տիգրան II-ի կողմից, Տավրոսի հարավային ստորոտներում, Նիկեփորիոն գետի ափին, Աքեմենյանների Վերջինական ճանապարհի մոտ⁵⁰: Այսինքն, տեղի ընդունված թե՛ ստրատեգիական և թե՛ տնտեսական առումով շատ հարմար էր:

Ըստ Ապիանոսի⁵¹ Տիգրանակերտն ունեցել է 50 կանգուն (25—26 մ) բարձրությամբ պարիսպներ, որոնք այնքան լայն են եղել, որ նրանց մեջ ձիերի համար ախոռներ և պահեստներ են կառուցվել: Պլուտարքոսը⁵² վկայում է, որ Տիգրանակերտը հսկայական քաղաք էր: Կորնելիոս Տակիտոսն ասում է, որ Տիգրանակերտը հզոր պարիսպ ուներ, որը շրջափակում էր շավականին լայն Նիկեփորիոն գետը, իսկ այնտեղ, որտեղ Նիկեփորիոնը հուսալի պաշտպանություն չէր ապահովում, հսկայական խանդակ էր փորված: Ինչպես տեսնում ենք, Տիգրանակերտը ունեցել է ջրային ուսալի պատնեշ (որի դիմաց կառուցված են եղել քաղաքի հզոր պարիսպները իրենց դարպասներով, արտելքներ կատարելու համար թողնված դռնակներով) և ամուր միջնաբերդ⁵³, որի շնորհիվ հայերը կարողացան դիմանալ Լուկուլոսի երկարատև պաշարմանը և միայն հույների դավաճանության պատճառով հռոմեացիներին հաղողվեց գրավել քաղաքը⁵⁴:

Գառնի ամրոցն առաջին անգամ հիշատակվում է Տակիտոսի⁵⁵ կողմից մ. թ. 51—52 թթ., կապված Արտաշեսյանների դինաստիայի անկումից հետո Հայաստանում ստեղծված քաղաքական անցուղարձի հետ: Նա նշում է, որ Գառնին պաշտպանված էր և՛ տեղադրությամբ, և՛ հռոմեական կայազորի շնորհիվ: Բարբարոսները, անծանոթ լինելով պաշարողական մեքենաներին և ամրոցներ գրավելու արվեստին, շկարողացան գրավել այն: Այս վկայությունից ելնելով ենթադրվում է, որ որձաքարն մեծ զանգվածներով կառուցված պարիսպն արդեն կար: Ամրոցի

⁴⁵ А р р. Мithr. Еур., 84.

⁴⁶ В. П. Толстиков. К вопросу об оборонительных сооружениях акрополя Пантикапея в IV—I вв. до н. э.—ВДИ, 1977; № 3, 158—161, рис. 4, 5; Он же. О системе обороны акрополя Пантикапея, с. 40—41 (գրականությունը տե՛ս նույն տեղում).

⁴⁷ Կ. Կ. Ղ ա Ֆ ա դ ա Ր յ ա ն. Նշվ. աշխ., էջ 33—35:

⁴⁸ Стр а б о к, XVI, 1, 24.

⁴⁹ Նույն տեղում, XVI, II, 4:

⁵⁰ Г. Х. Саркисян. Тигранакерт, М., 1960, с. 61.

⁵¹ 2. Մ ա ն ա ն դ յ ա ն. Նշվ. աշխ., էջ 171—174:

⁵² А р р. Мithr. Еур., 84.

⁵³ Пл у т а р х, Лукулл, XXV.

⁵⁴ 2. Մ ա ն ա ն դ յ ա ն. Նշվ. աշխ., էջ 171—174: Ժ. Գ. Խ ա չ ա տ Ր յ ա ն. Նշվ. աշխ., էջ 53—54:

⁵⁵ 2. Մ ա ն ա ն դ յ ա ն. Նշվ. աշխ., էջ 196:

⁵⁶ Та ц и т. Ашталы, XII, 45.

կառուցման ժամանակի վերաբերյալ տարրեր կարծիքներ կան⁵⁷ (մ. թ. ա. III դար, մ. թ. ա. III—II դդ. և այլն), սակայն, ըստ մեզ, ամրոցը և տաճարը կառուցվել են մ. թ. I դարի 70-ական թթ. Տրդատ I-ի կողմից⁵⁸:

Գառնի ամրոցը գտնվում է Աղատ դեղի հոսանքի ունաձև հովանդանի վրա: Հարավից, հարավ-արևմուտքից և մասամբ նաև արևելքից 60—100 մ բարձրությամբ ուղղահայաց ժայռերի շերտի վրա այն անմատչելի է: Հյուսիսից, հյուսիս-արևմուտքից և արևելքից, որտեղից թշնամին կարող էր անարգել մոտենալ, փակված է գրեթե կիսաշրջանաձև հզոր պարսպով: Ամրոցի⁵⁹ պարսպի երկարությունը 314.28 մ է, ունի 14 քառակուսի աշտարակ (5.90—6.70 մ), մեկ դարպաս (լայն. 2.32 մ), որը գտնվում է հյուսիս-արևելյան մասում, և արտելքի համար թողնված մի դռնակ պարսպի արևմտյան մասի վերջավորության վրա: Դարպասը կամարակապ է, պաշտպանվում է երկու աշտարակներով: Արևելյան հատվածում, որտեղ լանջը թեք է և ավելի քիչ ուժեղ է, պահանջվում պաշտպանության համար, աշտարակները (թվով չորս) կառուցված են իրարից 25—35 մ հեռավորության վրա, իսկ հյուսիսային և արևմտյան հատվածում, որտեղ տեղանքը հաթ է և թշնամին կարող էր ավելի շատ ուժեղ կուտակել, աշտարակները (տասը հատ)՝ ավելի խիտ են, և պարսպից 3—3.50 մ առաջ են դրված: Թեև տեղանքը թույլ է տալիս ուղիղ կառուցելու, բայց մոտքից աչ, հյուսիսային մասում, IV—V աշտարակների շրջանում, պարսպն աղեղնաձև ներձկված է, ինչպես նաև դեպքում խորհուրդ է տալիս Փիլոն Բյուզանդացին⁶⁰: Այդ եղանակով են ստեղծվել պաշտպանական առանձին հատվածները⁶¹: Պարսպապատի յուր-նությունը 2.07—2.12 մ է, որը միանգամայն բավարար է զինվորների ազատ տեղաշարժի հասարակ կառուցված են եղել քարե հատուկ աստիճաններ⁶², սակայն ներսից, պարսպների ամբողջ պարագծով, քարե աստիճանների ոչ մի հետք չի հայտնաբերվել, ուրեմն, ամենայն հավանականությամբ, այստեղ ևս շարժական աստիճաններից (նկ. II, 3):

Պարսպները կառուցված են տեղական կապտավուն որձաքարի զանգվածներից: Հիմքերը հասցված են մինչև ժայռը, իսկ այնտեղ, որտեղ գա հնարավոր չի եղել, կառուցել են կրաշաղխով ամրացված սովորական հիմքեր: Քարերը իրար հետ միացված են միայն հորիզոնական, երկաթե գամերի օգնությամբ: Շաղխը օգտագործված է որպես դատարկ տարածությունները լրացնող միջոց, հիմնական կրող մասսան քարն է:

Այսպիսով, Հայաստանի անտիկ քաղաքների և ամրոցների պաշտպանական համակարգերի ուսումնասիրությունը ցույց է տալիս, որ տեղական վարպետները, մինչև լինիստական ամրաշինության հարուստ տրադիցիաները հարստացնելով տվյալ ժամանակաշրջանի պաշարողական արվեստի նվաճումներով, այն հասցրել են զարգացման նոր աստիճանի: Նրանք ստեղծագործաբար են կիրառել անտիկ մեխանիկների տրակտատները պաշտպանական կառույցների մասին: Պարսպները ունենալիս համապատասխան բեկված գծերի՝ զիգագաձև և աստիճանաձև անցումների ձևով կառուցելու տարրերը Հայաստանում կիրառվել են դեռևս ուրարտական շրջանում: Այդպիսի օրինակ է հենց Արտաշատի ուրարտական պարսպը, որտեղ կան աստիճանաձև անցումներ: Այդ տարրերն ավելի շնչովա՞ծ ձևով առկա են Թեյշեբաինի պաշտպանական համակարգում⁶³: Արտաշատի պաշտպանական համակարգը, սակայն, այնքան կատարյալ է եղել, որտեղից այնպիսի հնարամիտ ձևով է օգտագործվել, որ շինարարական երկրորդ շրջանում (մ. թ. 60-ական թթ.), երբ քաղաքը նորից կառուցվեց, այն գրեթե նույնությամբ վերականգ-

57 Б. Н. Аракелян. Гарни I. Результаты раскопок 1949—1950 гг. Ереван, 1952, с. 35—37; 2. Մանանդյան Գառնիի հունարեն արձանագրությունը. Երևան, 1946, էջ 20; Ա. Ա. Մահիսյան. Գառնի անտիկ կառույցների ճարտարապետությունը. Երևան, 1983, էջ 205—207:

58 Ж. Д. Хачатрян. Гарни V. Античный некрополь. Ереван, 1976, с. 132.

59 Ա. Ա. Մահիսյան. նշվ. աշխ., էջ 31—48:

60 Филон Византийский. О фортификация, 8, 1, ААМ, с. 46.

61 Гарни I, с. 31.

62 Ա. Ա. Մահիսյան. նշվ. աշխ., էջ 48, նկ. 12—14:

63 Б. Б. Пиотровский. Кармир-блур, III. Ереван, 1955, рис. 1.

ներվեց։ Ռազմաինժեներական ստորաբաժանի ղարգաշման, տեղական և հեղինակական ազատագրող փառքի զուգորդման օրինակ է նաև Գառնիի պաշտպանական համակարգը։ Որտեղ պաշտպանության ծանրության պնդողները պարսպապատերից փոխադրված է աշտարակների վրա։

Հայաստանի պաշտպանական համակարգերում կան և՛ շտանկյուն, և՛ կլոր աշտարակներ։ Վերջիններս հանգիստում են Արմավիրում, Արտաշատում, Երկու Կայսրապոլսում, Նախափոր է նաև Արշամաշատում⁶¹, որը վկայում է այդ կատարույլ ձևի լայն տարածման մասին։ Հայաստանի անտիկ շրջանի պաշտպանական կառույցները, ուրարականի համեմատ, ավելի լավ են կազմակերպված և հասել էին զարգացման բարձր մակարդակի։ Հեղինակական երկրներին, այդ թվում նաև Հայաստանի քաղաքներն իրենց ստրատեգիական դիրքի, մեծ ու հզոր պաշտպանական համակարգերի շնորհիվ կարեոր դեր էին կատարում երկրի պաշտպանության ոլորտում։

Հայաստանի անտիկ շրջանի պաշտպանական կառույցների ուսումնասիրությունը թույլ է տալիս հեռանելու դրանց զարգացման ընթացքին քաղաքական ու պատերազմական երկարատև, բուռն մի ժամանակահատվածում, վեր հանել զարգացման տեղեկները, ընդհանրությունները և առանձնահատկությունները։ Հայաստանի այդ փուլի բարձր զարգացման հասած պաշտպանական համակարգերը հանդիսացան այն հիմքը, որի վրա բարձրացան ու ստեղծվեցին միջնադարյան Հայաստանի քաղաքների ու ամրոցների տնտեսիկ կառույցները։

ОБОРОНИТЕЛЬНЫЕ СООРУЖЕНИЯ В АРМЕНИИ АНТИЧНОГО ПЕРИОДА

Ж. Д. ХАЧАТРЯН

Резюме

Начиная с III в. н. э. в Армении был основан ряд городов, имевших выгодное стратегическое положение и мощные оборонительные сооружения. Для изучения оборонительных сооружений большое значение имеют раскопки Арташата, где зафиксировано около 4500 м крепостных стен. Благодаря мастерски использованному рельефу местности, хорошо продуманной системе оборонительных стен и круглых башен, фортификационная система Арташата была одной из лучших в античный период. Исследование оборонительных сооружений Армении античного времени позволяет проследить не только их развитие в довольно широком временном диапазоне, но и выявить тенденции этого развития, их общности и различия. Достигшие высокой ступени развития оборонительные системы Армении этой эпохи явились основой, на которой выросли неприступные города и крепости средневековой Армении.

⁶¹ B. Oğün. Haraba Excavations. 1970, Keban Project 1970 Activities. Ankara, 1972. p. 77—78, pl. 50—53.